

# Platt partu:

Rundbreef 2024-02

## Fungen in de Treckerdemo

De Buurn woorn füünsch un lepen slaten  
to Demos op. Kannst Buern truun,  
di achter Treckers slepen laten  
un Töög ut Woot un Truern buun.

Moinmoin, leve plattdüütsche Maten un Frünnen!

Ja, de Buernproteste weern een vun de velen [aktuellen Schehnisse](#), mit de uns dat niege Johr glieks överfulln hett. Wi versöök ehr intoordnen — [Maat Jan sellchaplich](#), [Berthold Cordes histoorsch](#). Wohraftig wiest uns Flack [Wat in de Welt vörgeiht](#) verleden Maand de mehrsten Bidrääg op. Klar — de unsääglichen Umstört- un Deportaschoonsplaans vun Rechtsbuten hebbt [nicht bloots mi](#), sünnern ok [Berthold Cordes](#), [Michael Neiß](#) un [Meike Balzer-Fraun](#) op de Zinn bröcht un op de Demos dreven — sachs se uns all, un dat se nich dörkamen warrt, is nich seker in en Welt un Minschheit, de dösig noog is, solk as Trump to'n Präsidenten to maken (villicht sogor tweemaal — dat warrt noch spannend düt Johr). Ok de [Spaltpilz in uns Parteienlandschap](#) verlockt [Maat Jan to Süffizanz](#). [De Holocaust-Gedenkdaq](#) fallt in düsse Tied, in düt sellchaplich Klima; bald kümmt de twete Johrsdag vun'n Överfall op de Ukraine. Un bi allens dat hebbt Behrend Böckmann un Maat Jan noch Tied för Siedenpieken gegen de [Ümnöömeritis](#) un [Netflixjunkies](#). Respekt!

Op de annern Flacken, de nich mit de Rasanz vun uns Leven mithollen mööt, begrööt wi in'n Sneemaand noch sachten dat niege Johr; Ludgerd Lüske deit dat [mit en Gedichtöversetten](#) (wo nimmt he bloots all düsse wenig bekannten Gedichtparlen her?), [ik mit en Choral](#). To Niejohr höört [Glücksswien](#), un in Heidi Rumler ehr Kant gaht se ahn Bang un ahn Tähnklappen [an Niejohr baden in ehrn lütten Fluss Stör](#) (in Meckelnborg, nich de Stör in Holsteen). För't niege Johr hett [Ludgerd Lüske en Limerick-Klenner](#) op dat Künst-Flack plaant; jedeen Maand warrt dor niege bebillerte Limericks kamen. Un [mit dat Dreekönigsfest](#) geiht de Wiehnachtstied denn so langsam toenn. [De Söök na dat Gottskind geiht wieder](#).

De Daag warrt wedder länger, de Sünn kümmt nich bloots [bi de Dannenkinner to Besöök](#); in't [Natuurnotizbook](#) giff dat sogor düt un dat to lesen. Reinweg to Harten güng mi de [knuddelige japaansche Maandsonde SLIM](#), de bloots för wenige Daag Lebensduur buut woor. Dorto schreev ik, wat [Ruumfohrt in den ganz groten Kontext bedüüdt](#) — avers dat is al en Februar-Bidrag.

Blifft noch to vermellen, dat ok op uns [Süstersied numanto.de](#) na lange Paus mal wedder twee niege Gedichten to sehn sünd. Un dat wi uns natüürlich freit, wenn Se uns wat toschickt — Gedanken, Beobachten orr Menen, allens willkommen!

Wi leest uns in'n Märzmaand wedder! Dat gah Se good!

---

Nu de Linkliste. Op de Links bruukt Se bloots klicken, dat Se henkaamt.

### [Plattdüütsch Kunst:](#)

[Limericks för Januar](#). Van Ludgerd Lüske (28.1.)  
[Notizen ut'n Braakmaand](#). Fotos un Verse vun Marlou Lessing (13.1.)  
[För't neie Johr. Gedichtöverdragen](#) un Bild van Ludgerd Lüske (5.1.)

## De Welt un Gott:

[Dierten in'n Lüdschnack: Schwien hadd orrer dat Glücksschwien](#). Vun Behrend Böckmann (21.1.)

[Up de Söök](#). Vun Hans-Eberhard Schulz (14.1.)

[Singt en Leed to't niege Johr! Vör Gott wüllt wi nu treden](#). Choralöversetten vun Marlou Lessing (13.1.)

[Dei Sternkiekers bäet an](#). Gedichtöversetten to Dreekönig van Ludgerd Lüske (7.1.)

[Prost Niejohr!](#) Vun Heidi Rumler (3.1.)

In't [Lütte Gebeedbauk](#):

[Holocaust-Dag in uns Tied](#). Vun Marlou Lessing (27.1.)

## Natuur un Wetenschap:

[SLIM kümmt kort in Gang](#). Vun Marlou Lessing (31.1.)

In't [aktuelle Natuur-Notizbook](#):

[Af na buten!](#) Vun Meike Balzer-Fraun (27.1.)

[Links un rechts](#). Vun Marlou Lessing (21.1.)

[Leven ünnern Snee](#). vun Marlou Lessing (21.1.)

[Vullversammeln](#). Vun Marlou Lessing (7.1.)

[En Arv vun Weten](#). Vun Marlou Lessing (7.1.)

## Wat in de Welt vörgeiht:

[Op Platt gegen Rechts an](#). Vun Meike Balzer-Fraun (31.1.)

[Heimatrecht](#). Vun Michael Neiß (26.1.)

[Goot, dat ik keen Flüchtling bün](#). Vun Berthold Cordes (26.1.)

[Buernproteste un Buernkrieg — De Ünnerscheed](#). Vun Berthold Cordes (21.1.)

[Maat Jan: BSW verstahn](#). Vun Maat Jan (8.1.)

[Nu sall 'n Kyiv schrieben?](#) Vun Behrend Böckmann (7.1.)

[Maat Jan: Netflix-Kieker](#). Vun Maat Jan (5.1.)

[Maat Jan: Tesla Diesel](#). Vun Maat Jan (3.1.)

In't [plattdüütsche Notizbook](#) vun Marlou Lessing:

[Spaltungen](#) (21.1.)

[Dat swatte Lock](#) (14.1.)

[Nüchtern un hungrig](#) (8.1.)

## För Kinner:

Modder Sünn ehr Kinner: [En fideele Besöök](#). Märken vun Sophie Reinheimer, överdragen vun Klaus-Dieter Tüxen (28.1.)

---

Hartlich grööt

Marlou Lessing un dat lütte Plattpartu-Team